

Pular - Ruuhu Habirta Windii - SW Intro Scriptures

Luuka 17:5 Sahaabaabe ben wi'i Koohoojo on: «Beydanee men gomdinal.»

Roomu 10:17 Ko dun wadi, gomdinal ko e nanugol iwata, ko nanetee kon kadi ko e kongol Almasiihu on iwi.

Luuka 11:1 Nande goo tawi lisaa no toraade Yehowaa nokku goo. Bay o gaynii toraade, goddo e taalibaabe makko ben wi'i mo: «Koohoojo, tindinee men no torortee wano Yaayaa tindinirnoo non taalibaabe mun ben.»

1 Timotee 2:1-4 Ko adii kon taho, mido torii yo en landano yimbe ben fow ballal Yehowaa, wadanen be torndeeji e du'aaji e yettooje Yehowaa, 2 wadanen dun kadi lambe e kala yeesoobe, fii no wuuriyen ngurndan newiidan e buttudan wano Yehowaa faaliraa non e hoore teddungal. 3 Ko dun woni ko moyfi, ko welata Yehowaa, Dandudo en on, 4 on Yidudo yo yimbe ben fow dande, be ara e andugol goonga on.

Luuka 22:31 Onsay lisaa wi'i: «Sim'uunu, Sim'uunu! Ibuliisa torike hendagol on, wesira wa nendi.

Zakariyaa'u 3:1,2 - Yuud 1:9 E hin-le, fewndo Miikaa'iilu oo malaa'ikaajo mawdo yeddondiri e Ibuliisa, be poodondiri fii furee Muusaa on, kanko Miikaa'iilu o suusaano mo jaawirde hoyre, o wi'uno tun: «Yo Joomiraado on donkine!»

Efeesi 6:12 Tippiro men ngon wonaa hakkunde men e bandu e yiyan woni, kono ko hakkunde men e laamuji din e mbawdiji din e laamuji oo aduna wondo e nder nibe e mbawdiji ruuhuuyankeejii bondi din ka kammuuli.

Efeesi 6:10,11 Ka rawnoode, awa dolnoree Joomiraado on e bawgal makko tiidungal ngal. 11 Bornodon aalaaji Yehowaa din fow, fii no waawiron catorde dartoo pehe Ibuliisa den.

Efeesi 6:13-17 Ko dun wadi si mi wi'ay on: yettee aalaaji Yehowaa din fow, fii no waawiron dartorde tuma jalaande bone nden aroyi woo, e fii no waawiron darorde tabita bawto wadugol fow. 14 Awa daree catodon. Yo goonga on wonu dattol keeci mon din, peewal ngal wona dolokke mon hiwitordo on. 15 Yo pade mon den wonu heбулаare iwrunde e Kibaaru Moyyo yedoowo buttu on. 16 E nder kala huunde, jogoree gomdinal ngal wa hiwitorgo, ngo waawoton danninirde ndagaaje yiite Ibuliisa den fow. 17 Hippodon kadi kunnawal kisiyee ngal, jogodon kaafa Ruuhu on, kan-le ko daaluyee Yehowaa on.

Yahuudiyankeeb 4:12 Ko fii, daaluyee Yehowaa on ko wuurudo duncoowo, himo weli buri kaafa ka mbelde didi, ko naataydo haa hakkunde ruuhu e wonkii, e hakkunde jokke e mbuso, o jaawa mbeleede e mijooji bernde.

Luuka 4:8 lisaa jaabii mo, wi'i: «No windii wondema: «Ko Yehowaa Joomiraado maa on sujjantaa, rewaa mo kanko tun.» »

Efeesi 6:18 Saa'i kala torodon wano Ruuhu Yehowaahu on woni ardorde on non e kala noone torndeeji, landodon ballal Yehowaa, findinon hakkillaaji mon din fii dun, duumodon e dun fota, toranodon yimbe Yehowaa ben fow.

1 Samu'iila 17:45-47 - Daawuuda & Goliath

Luuka 10:17-20 Ben cappande njeedido e dido artidi e weltaare, be wi'i: «Koohoojo amen, hay jinnaaji din yankinanike men e innde mon!» 18 Onsay o wi'i be: «Mi yi'ayno Ibuliisa no iwa ka kammu yanira wa farpitere. 19 Awa mi okkii on bawgal tippugol e bolle den e jahe den e kala bawde gajo on, hara hay fus hebaali on. 20 Wota on weltor ko jinnaaji din yankinanii on kon. Kono weltoree ko inde mon den windaa ka kammuuli kon.»

2 Korenti 10:3-5 Hay si tawii wonii ko men yimbe aduna, men habirtaa wano be aduna ben gerdata non, 4ko fii aalaaji di men habirta din hinaa di oo aduna, kono ko wondudi e bawgal iwrungal e Yehowaa fii libugol kala ko dartotoo mo. Men libay mijooji fenaandeeji din 5e kala mawnintinaare hawtotoonde dartoo gandal fii Yehowaa ngal, e men dahay kala mijio haa ngo doftoo Almasiihu on.

2 Timotee 1:7 Ko fii ruuhu mo Yehowaa yedi en on wonaa wadoowo en hulube, kono ko ruuhu okkoowo en doole e giggol e waawugol hoore mun.

Matta 12:28,29 Kono si tawii ko tippude e Ruuhu Yehowaa on mi woni radorde jinnaaji din, haray laamu Yehowaa ngun arii haa e mon. 29 «Maa ko honno goddo waawirta naatude e nder suudu neddo dolnudo, mooba keyeeji on din, ado o habbude on neddo dolnudo taho. Ko onsay doo o waawata moobude ko woni ka suudu on kon.

Efeesi 1:13 Onon kadi hidon e makko, bay on nanii daaluyee goongaajo on, dun ko kibaaru hisindo on on. Onon kadi on gomdinii, awa kadi Yehowaa wadii Ruuhu Seniido on maande e mon, dun ko on mo fodanodon.

Kuude Sahaabaabe 19:6 Onsay Puulusa fawi juude mun den e hoore mabbe, Ruuhu Seniido on ari e mabbe, be woni e wowlugol e haalaaji janani, wowla ko Yehowaa longini be.

Markuusa 16:15-18 E hoore dun o wi'i be: «Yahee e aduna on fow, fenjininanon tageefo ngon fow Kibaaru Moyyo on. 16 Kala on gomdindo, lootaa maande kisiyee, dandoyte, kono kala on mo

gomdinaali, happante. 17 E hino maandeeji wondaydi e ben gomdinbe: e innde an be radoyto jinnaaji din, be wowla kadi e haalaaji goo, 18 be nanga bolle, si be yaru kadi njaram waroojan, dun masinbintaa be. Si be fawoyii kadi juude mabbe den e hoore nawnube ben, ben ndikkay.»

1 Yuuhanna 1:9 Si en qirritike non junuubaaji men din, Yehowaa ko Sella-Findeejo, Feewudo, o yaafanto en junuubaaji men din, o labbina en e kala bonnere.

Zabuura 109:17 - Yaaquuba 3:10 Ko e kon hunduko wootu du'aa e kuddi yaltata. Kono yo musibbe, wota dun wonir non.

Naawoowo 16:16 - 2 Petruusu 2:7,8 Kono o dandi Luutu feewudo on, on mo bernde mun wondunoo e sokola tiidudo sabu jikku jiibiido bee bonbe, 8 ko fii on ko feewudo hodfunoodo hakkunde mabbe, mo wonkii mun tampintenoo nande woo nande sabu angal peewal ngal o yi'aynoo ngal e ngal o nanaynoo ngal.

Efeesi 4:26 Si on aru seytinde, wota on wadu junuubu, haray wota naange ngen mutu hidon tikki.

Roomu 14:12 Ko dun wadi, mo kala e men qirritoto yeeso Yehowaa fii hoore mun tigi.

1 Yuuhanna 2:23 Awa kala yeddudo Biddo on hebaali Baabaajo on, kala qirritiido Biddo on, haray hebii Baabaajo on.

Yuuhanna 14:6 lisaa jaabii mo, wi'i: «Ko min woni Laawol ngol e Goonga on e Ngurndan dan. Hay gooto waawataa yahude ka Baabaajo on si wonaa e an o rewri.

Matta 11:28-30 «Aree e an, on fow, yo rondiibe ko teddi haa ronki, mi fowtina on. 29 Jabon yankinanagol ko mi fawi on kon, jabon janndeeji an din. Ko fii min ko mi newiido, yankiniido kadi e bernde, dun on hebay fowtunde fii wonkiji mon din. 30 Ko fii ko mi fawata on kon no weli nabude, awa dongal ngal mi fawata on ngal ko hayfungal.»

2 Korenti 6:2 Ko fii himo daali: «Mi jaabinanii ma ka saa'i sulfu, ka nalaande kisiyee mi faabike ma.» Awa mi andinii on ko fewndo doo woni saa'i sulfu on, awa kadi ko nalaande kisiyee nden nii.

Roomu 10:13 Ko fii: «Onsay kala jantotoodo innde Joomiraado on dandoyte.»

Exodus 20:5 - sin cursed to 3 & 4 generations